



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 223

DATUM: 08.07.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana Konferencija predsjedavajućih i sekretara općinskih i gradskih vijeća

Delegacija Saveza razgovarala sa predsjednikom Federacije BiH

Rješenju za Mostar nadam se u "sekundu do 12"

Svečano ozvaničen završetak radova na energetske efikasnosti zgrade Općine Novo Sarajevo

Projekat zaštite od poplava na rijeci Drini

Održana radionica o budžetiranju jedinica lokalne samouprave u lijašu

Načelnik Općine Jajce posjetio NK "Metalleghe-BSI" - u toku pregovori za stadion "Mračaj"

U Goraždu potpisan ugovor za projekte Omladinske banke u 2016. godini

Sedam novih protupožarnih hidranta u Čitluku

Zajednička promocija BiH na međunarodnim sajmovima

Bilten Saveza općina i gradova Federacije Bosne i Hercegovine

ODRŽANA ČETVRTA KONFERENCIJA PREDSEDVAJUĆIH I SEKRETARA OPĆINSKIH I GRADSKIH VIJEĆA



Savez općina i gradova Federacije BiH, uz podršku Misije OSCE-a u Bosni i Hercegovini, organizirao je 29. juna/lipnja 2016. godine u Sarajevu u Parlamentarnoj skupštini Bosne i Hercegovine četvrtu konferenciju predsjedavajućih i sekretara općinskih/gradskih vijeća u Federaciji BiH.

Konferencija je organizirana u okviru Projekta podrške savezima općina/opština i gradova, AMCS projekat, kojeg entitetski savezi implementiraju već četvrtu godinu u saradnji sa Misijom

OSCE-a u BiH. Kako je rečeno, Konferencija ima za cilj unaprijediti suradnju Saveza s općinskim i gradskim vijećima, kao i osnažiti međuopćinsku i međuinstitucionalnu suradnju, predstaviti važnost etičkih principa tokom predizborne kampanje i kontinuiteta u radu općinskih i gradskih vijeća, te aktivnosti Saveza u smislu unapređenja i formalizacije suradnje između Saveza, Parlamenta FBiH i Vlade FBiH. Skoro pedeset učesnika - predstavnika općinskih i gradskih vijeća - su imali priliku da razgovaraju o ovim temama ali i da čuju neke od dobrih praksi u radu općinskih/gradskih vijeća u smislu promovisanja etičkih standarda u predizbornoj kampanji i uspostave mehanizma za obezbjeđenje kontinuiteta u radu vijeća.

Šef Odjela za planiranje i politiku rada pri Misiji OSCE-a u Bosni i Hercegovini Joeri Maas odao je priznanje Savezu općina i gradova FBiH, koji je zahvaljujući razvoju vlastitih kapaciteta osposobljen za razmatranje tema u vezi sa predstojećim lokalnim izborima u BiH. U tom smislu mi je drago što dnevni red današnje konferencije odražava važnost poštivanja etičkih standarda u predizbornoj kampanji i osiguranja kontinuiteta rada lokalnih vlasti kroz djelotvoran proces primopredaje dužnosti - kazao je Maas.

Naglasio je da će Misija OSCE-a u BiH nastaviti dugogodišnju saradnju sa svim nivoima vlasti u BiH. Predsjednik Odbora za pravdu, opću upravu i lokalnu samoupravu pri Domu naroda Parlamenta Federacije BiH Slaviša Šućur istakao je da su izbori jedan od vrlo bitnih događaja u svakom demokratskom društvu, pa tako i bosanskohercegovačkom.

DELEGACIJA SAVEZA RAZGOVARALA SA PREDSEDNIKOM FBiH

Predstavnici Saveza općina i gradova Federacije BiH razgovarali su 15. juna/lipnja sa predsjednikom Federacije BiH Marinkom Čavarom. Delegaciju Saveza činili su predsjednik Predsjedništva Saveza Ivo Jerkić, direktorica Vesna Travljanin i član Predsjedništva Saveza i načelnik Općine Busovača Asim Mekić. Na sastanku je razgovarano o mogućnostima unapređenja saradnje između jedinica lokalne samouprave i viših nivoa vlasti Federacije BiH, te o stvaranju preduvjeta za jačanje gospodarstva i lakši svakodnevni život općina i gradova. Predsjednik Predsjedništva Saveza Ivo Jerkić izjavio je da je potrebna veća i aktivnija uključenost u pripreme i donošenje zakona koji izravno utječu na funkcioniranje jedinica lokalne samouprave, a tu se prvenstveno misli na Zakon o stvarnim pravima, te na Zakon o pripadnosti javnih prihoda, kao i drugih zakona koji se donose na federalnoj razini.

Gledajte Savez općina i gradova
Federacije Bosne i Hercegovine na



Predsjednik Predsjedništva Saveza Ivo Jerkić izjavio je da je potrebna veća i aktivnija uključenost u pripreme i donošenje zakona koji izravno utječu na funkcioniranje jedinica lokalne samouprave, a tu se prvenstveno misli na Zakon o stvarnim pravima, te na Zakon o pripadnosti javnih prihoda, kao i drugih zakona koji se donose na federalnoj razini. Načelnik Općine Busovača Asim Mekić izjavio je da je problem raspodjele prihoda u FBiH i naglasio potrebu uspostave boljih kriterija pravednije raspodjele po općinama kako bi se poboljšali uvjeti života i u manjim općinama.



Direktorica Saveza Vesna Travljanin istaknula je da je Savez pokrenuo inicijativu za potpisivanje sporazuma sa Parlamentom FBiH što može biti korak ka rješavanju problema saradnje jedinica lokalne samouprave i viših institucija vlasti. Predsjednik Federacije BiH Marinko Čavara čestitao je Savezu na objedinjavanju svih općina u FBiH u Savez i na ustrajnom i uspješnom radu. Istaknuo je da je potrebno izbalansirati odnose viših i nižih nivoa vlasti radi što uspješnije uspostave dijaloga. „Moja ustavna obveza je osigurati dobro funkcioniranje općina, županija i entiteta, stoga imate moju punu podršku i u budućem radu," kazao je Marinko Čavara.

Načelnik Općine Busovača Asim Mekić izjavio je da je problem raspodjele prihoda u FBiH i naglasio potrebu uspostave boljih kriterija pravednije raspodjele po općinama kako bi se poboljšali uvjeti života i u manjim općinama. .

RJEŠENJU ZA MOSTAR NADAM SE U „SEKUNDU DO 12“



Gradonačelnik Mostara Ljubo Bešlić je 2. jula/ srpnja u razgovoru za N1, koji je vođen uživo u improviziranom studiju u staroj gradskoj jezgri Mostara, kazao kako je teško biti gradonačelnik bez Gradskog vijeća. "Nosite veliku odgovornost kao gradonačelnik, a blokirani ste. Znači da se odluke donose na Gradskom vijeću. Ono je važno, jer je princip demokratije i ništa ga ne može zamijeniti", kazao je Bešlić. Mostar treba infrastrukturu, nove projekte, a Bešlić je kazao da grad kao grad radi na prijašnjim projektima i odlukama

Gradskog vijeća. Smatra da su ranija Gradska vijeća donijela neke važne odluke i projekte - poput onog o pročišćavanju rijeke Neretve koji se završava za dvije godine. "Kao grad smo najviše zagađivali rijeku, ali postojeći projekt će to promijeniti. Neretva će biti čišća, i to je istorijski projekt", kazao je Bešlić. Kazao je da Mostar trenutno ima dosta projekata, i da je dosta rađeno na infrastrukturi. "Međutim, na krucijalnim projektima nemamo Gradskog vijeća. Posljedice toga će se osjetiti u budućnosti. Planovi se rade na duži period, ali ako nemamo novih planova i projekata - to će biti problem Gradskom vijeću koje bude došlo", smatra Bešlić. Dodao je da aktualna organizacija i administracija grada radi i priprema projekte, ali da ništa ne mogu bez Gradskog vijeća. Istaknuo je i to da ipak vjeruje u izbore 2. oktobra. "Idemo dalje u razvoj ovog grada. Vjerujem u izbore, jer mi uvijek u 'sekundu do 12' nađemo rješenje. Nadam se da će to i u Mostaru biti slučaj", dodaje. U vezi popisa stanovništva, i rezultata, Bešlić kaže: "Popis kaže da nema razloga za bojazan nikome i nikada". Građani žive u rascjepu između nekadašnjeg i sadašnjeg života, danas je kapitalizam aktivan i morate se snalaziti, kaže Bešlić, dodavši da mnogi časnici građani ovog grada danas žive na rubu egzistencije. "Slika iz Mostara je za neke jako teška, a to nije vezano za Gradsku upravu - nego za neke druge stvari. Mali broj ljudi ima mogućnost za investiranje, a stranci ulažu malo. Situacija je dosta teška. Veliki broj mladih traži posao, a mogli bi da razvijaju društvo - pa traže sebi novi svijet", ističe Bešlić, prenosi Večernji list.

Smatra da su vlasti i mediji doprinijeli da mladi misle da se vani može bolje živjeti, te da sa tim mladim ljudima treba razgovarati. Na koncu, dotičući se vedrijih tema - istaknuo je da je Mostar planetarno popularan grad, i da mnogi toga nisu svjesni. Slike iz Mostara koje su obišle svijet ostavile su snažan dojam, nekada po dobrom - nekada po lošem, kaže Bešlić. "Nitko nije vjerovao da će Mostar udvostručiti turizam nakon prijema Starog mosta u UNESCO. Mislili su da je to gradonačelnikova bajka kada smo rekli da će se svake godine udvostručiti broj turista. Budućnost Mostara kao turističke destinacije je zajamčena", kazao je Bešlić.



Grb Grada Mostara

SVEČANO OZVANIČEN ZAVRŠETAK RADOVA NA ENERGETSKOJ EFIKASNOSTI
ZGRADE OPĆINE NOVO SARAJEVO

Ispred zgrade Općine Novo Sarajevo u četvrtak, 30. juna ove godine održana je svečana ceremonija povodom završetka realizacije projekta povećanja energetske efikasnosti zgrade Općine Novo Sarajevo. Navedeni projekat realizirala je Općina Novo Sarajevo u saradnji sa Ministarstvom prostornog uređenja, građenja i zaštite okoliša KS i UNDP BiH kroz projekat „Zeleni ekonomski razvoj“ – povećanje energetske efikasnosti u javnim ustanovama u FBiH.

Prisutnim gostima, tom prilikom obratili su se voditelj Sektora za energiju i okoliš UNDP-a Sanjin Avdić, direktor Fonda za zaštitu okoliša FBiH Fuad Čibukčić, premijer Kantona Sarajevo Elmedin Konaković, ministar prostornog uređenja, građenja i zaštite okoliša KS Čedomir Lukić, te načelnik Općine Novo Sarajevo Nedžad Koldžo.

U svom obraćanju, općinski načelnik istakao je kako je Općina ranije prepoznala potrebu za uvođenjem standarda energetske efikasnosti, te je blagovremeno pripremljen energetski audit za objekat zgrade Općine Novo Sarajevo, nakon čega je odmah po sticanju uslova Općina aplicirala na javne pozive UNDP-a BiH i Ministarstva prostornog uređenja, građenja i zaštite okoliša KS.

- Implementacijom mjera energetske efikasnosti u zgradi Općine Novo Sarajevo postigao se rezultat smanjenja energetske potrebe zagrijavanja ili hlađenja, što će direktno doprinijeti uštedama na godišnjem nivou od oko 45.000 KM. Osim toga, emisija CO₂ će biti smanjena za 626 tona godišnje, čime će se postići značajno smanjenje efekta staklene bašte, istakao je načelnik Koldžo.

Navedeni projekat izvodio se u dvije faze. Prva faza podrazumijevala je izvođenje građevinsko – zanatskih radova na „starom“ dijelu zgrade koji obuhvataju postavljanje termo fasade, zamjenu i postavljanje PVC stolarije, dok je druga faza obuhvatala građevinsko – zanatske radove na „novom“ dijelu zgrade, te mašinske radove na zamjeni kotla i pumpe za lož ulje.

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Foča BiH

PROJEKAT ZAŠTITE OD POPLAVE NA RIJECI DRINI



U kabinetu načelnika Općine Foča FBiH, Zijada Kunovca, je 24. juna/ srpnja upriličeno potpisivanje Ugovora između Federalnog ministarstva poljoprivrede, vodoprivrede i šumarstva / PIU šumarstva i poljoprivrede, kojeg zastupa direktor gosp. Alojz Dunder, izvođača radova firme „Okac“ d.o.o. Goražde i nadzornog organa koji čine konzorcij firmi „Saraj Inženjering“ d.o.o. Sarajevo i „Diwanx“ d.o.o. Sarajevo.

Ugovor se odnosi na izgradnju 200 m obaloutvrde na lijevoj strani rijeke Drine uzvodno od Cvilinskog mosta, kako bi se osigurala zaštita od štetnog djelovanja velikih voda, a sve u sklopu projekta Zaštite od poplava na rijeci Drini. U narednih mjesec dana očekuje se odabir izvođača radova na izgradnji obaloutvrde u dužini cca 400 m na lijevoj strani rijeke Drine od ušća Koline do Kosovske rijeke. Izgradnja 215 m sa obadje strane Kosovske rijeke od ušća u Drinu pa uzvodno bit će takođe realizovano do kraja ove godine. Projekat je finasiran od Vlada Federacije preko kreditne linije



ODRŽANA RADIONICA O BUDŽETIRANJU JEDINICA LOKALNE SAMOUPRAVE U ILIJAŠU



U Ilijašu je 30. juna održana radionica za kandidatkinje na Lokalnim izborima 2016, kao i za sve političarke zainteresirane za budžet i budžetiranje lokalnih samouprava. Trening je organiziran od strane Centra za promociju civilnog društva (CPCD) a održale su ga Dženana Memišević i Enisa Mešetović, članice TAG 2.0. grupe. TAG 2.0. druga je generacija tehničko-savjetodavne grupe za pomoć ženama u politici specijalizirana za tematsku oblast budžetiranja, nastala iz mentorskog programa za žene CPCD-a. Na ovoj

edukativnoj radionici, političarke su imale priliku naučiti više o fazama budžetskog procesa, programskom i participativnom budžetiranju, gender odgovornom budžetiranju, ulogama i funkcijama u budžetskom procesu kao i o vezi izabranih vlasti i fondova te načinima i mogućnostima uticaja na proces donošenja i usvajanja budžeta.

Budući da je budžet najvažniji instrument kreiranja javnih politika, trening je bio od višestruke koristi kandidatkinjama bez obzira na količinu političkog iskustva. Radionica je istovremeno održana u tri grada: Zenici, Goraždu i Ilijašu. Naredni treninzi TAG 2.0. iz oblasti budžetiranja lokalnih samouprava održat će se u Tešnju i Prijedoru.

Ove edukacije se realizuju u sklopu projekta "Politika iz mog džepa" koga sprovodi CPCD uz podršku Američke ambasade u BiH.



Grb Općine Ilijaš

NAČELNIK OPĆINE JAJCE POSJETIO NK „MEGALLEGHE- BSI“ - U TOKU PREGOVORI ZA STADION MRAČAJ

Načelnik Općine Jajce Edin Hozan, povodom ulaska u Premijer ligu BiH, posjetio je NK „Metalleghe-BSI“. Još jednom čestitao je nogometašima i Upravi na velikom sportskom uspjehu Kluba i uručio dodatnu finansijsku pomoć iz rezerve Budžeta. U ime Kluba Načelnika je primio i zahvalio se na podršci NK „Metalleghe-BSI“ predsjednik Zoran Dekić. Razgovaralo se o početku priprema za predstojeću nogometnu sezonu. Predsjednik Dekić zanimao se o statusu stadiona „Mračaj“ imajući u vidu da će NK „Metalleghe-BSI“ svoje utakmice, kao domaćin, igrati, kako je već dogovoreno, na stadionu „Pirota“ u Travniku.



Načelnik Općine Jajce Edin Hozan informisao je predstavnike NK „Metalleghe-BSI“ da Općina Jajce, zajedno sa Općinskim javnim pravobraniteljstvom, vodi razgovore u tom pravcu sa vlasnicima i predstavnicima firme Elektrobosna d.d. koji su i formalno upisani kao vlasnici stadiona „Mračaj“. Prema posljednjim informacijama postoji mogućnost da se u relativno kratkom vremenskom periodu napravi sporazum između Općine Jajce i vlasnika „Elektrobosna“ d.d. i ukoliko se sve bude odvijalo kako je planirano, kako je rekao Načelnik Hozan, postoje velike šanse da se drugi dio takmičarske sezone igra na stadionu „Mračaj“. Za realizaciju pomenutog sporazuma biće neophodna podrška Općinskog vijeća Jajce, a sve bi moglo biti na radost građana Jajca, a posebno ljubitelja sporta. Predstavnici Kluba zahvalili su Načelniku Hozanu za svu do sada pruženu podršku i napore koje ulaže u rješavanju problema stadiona „Mračaj“ i stavili se na raspolaganje za sve što bude potrebno kako bi zajedno, već s proljeća, mogli sa tribina stadiona „Mračaj“ pozdraviti ekipe Premijer lige BiH. Nogometaši će svojim nastupima u Premijer ligi opravdati ukazano povjerenje i na najbolji način predstaviti i promovisati svoj grad, istakao je gospodin Dekić. Načelnik Općine Jajce Edin Hozan još jednom uputio je čestitku igračima, trenerima i upravi NK „Metalleghe-BSI“ Jajce i zahvalio što su sportskim rezultatima grad Jajce vratili na stranice nogometnog uspjeha te, u ime grada Jajca, poželio dobre sportske rezultate u takmičenju u Premijer ligi BiH.



Grb Općine Jajce

U GORAŽDU POTPISANI UGOVORI ZA PROJEKTE OMLADINSKE BANKE U 2016. GODINI

U okviru programa Omladinska banka Goražde, koju partnerski podržavaju Općina Goražde i Fondacija Mozaik je 7. jula u Velikoj sali Općine organizovano potpisivanje ugovora za projekte neformalnih grupa mladih koji su prošli na konkursu za dodjelu sredstava u sklopu projekta Omladinska banka.

Na konkurs, koji je bio otvoren od mjeseca maja do juna 2016. godine, prijavljeno je ukupno sedam projekata neformalnih grupa mladih. Nakon izvršenog procesa selekcije od strane članova Odbora Omladinske banke



Goražde odobreno je četiri projekata ukupne vrijednosti 11.485,00 KM, od kojih će iznos od 3.980,00 KM biti obezbijeđen kao doprinos neformalnih grupa iz lokalne zajednice, a sa iznosom od 7.505,00 KM će biti podržani projekti iz Fonda Omladinske banke Goražde koji su i u 2016. godini zajednički obezbijedili Općina Goražde i Fondacija Mozaik. Riječ je o projektima naziva Hoćemo šetalište, a ne smetlište; Mala škola različitosti; Naša pozornica i Mi vežemo prirodu i društvo, koji će se realizovati u periodu od 01.07. do 30.09.2016. godine.

Današnjoj svečanosti potpisivanja ugovora u ime Općine Goražde koja sufinansira projekat Omladinske banke prisustvovao je načelnik dr.sci. Muhamed Ramović sa saradnicima koji je ovom prilikom čestitao mladima na potpisanim ugovorima i zaželio im uspjeh tokom realizacije projekata, te dodao – "Općina Goražde zaista podržava aktivizam mladih. Ovoga puta smo dokazali da i ove godine maksimalno podržavamo ovaj projekat. Svi projekti su interesantni, a četiri projekta su prošla. Mi ćemo sufinansirati sa 4.500,00 KM i ispoštovati svoje obaveze. Drago mi je da su mladi pored svojih školskih i fakultetskih obaveza odvoje vrijeme i brinu da Goražde bude što uređenije i da njihove ideje provedemo u djelo."

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

SEдам NOVIH PROTUPOŽARNIH HIDRANATA U ČITLUKU



Općinska služba za Civilnu zaštitu s ciljem što bolje pripreme za protupožarnu sezonu predložila je općinskom načelniku da iz sredstava za zaštitu i spašavanje odobri projekt izgradnje protupožarnih hidranata na području općine Čitluk, što je od strane načelnika i prihvaćeno. Tako je u proteklih nekoliko mjeseci, od planiranih 12 instalirano 7 hidranata, i to u Gornjoj Blatnici, Gornjem Velikom Ograđeniku, Dragičini, Služnju, Međugorju, Krehin Gracu i u Dobrom Selu. Ranije je protupožarni hidrant instaliran i u Čalićima.

Tim povodom danas je izvršena primopredaja izgrađenih hidranata od strane izvođača

radova Javnog komunalnog poduzeća Broćanac, investitoru Općini Čitluk. Ukupna vrijednost radova iznosi 25 tisuća KM. Iznimno mi je drago da je ovaj projekt realiziran te da će zahvaljujući njemu naši vatrogasci biti ekspeditivniji pri gašenju požara, kad i ako se za njih ukaže potreba. Ovime su na dobitku mještani u Mjesnim zajednicama gdje su hidranti postavljeni, ali i cijela zajednica, poglavito u ljetnim mjesecima kad su velike prijetnje od požara koji nažalost mnogu načiniti veliku štetu kako na privatnoj, tako i na državnoj imovini poput šuma. Nadam se kako će potreba za njihovim korištenjem biti što manja, ali svakako je dobro da se nađu pri ruci kad je to najpotrebnije – kazao je načelnik općine Čitluk Ivo Jerkić prilikom današnje primopredaje. Realizacijom ovog projekta umnogome je olakšano djelovanje Vatrogasne postrojbe Čitluk, koja na udaljene lokacije neće morati voziti vodu iz općinskog centra kao što je to slučaj bio do sada.



Grb Općine Čitluk



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

ZAJEDNIČKA PROMOCIJA BIH NA MEĐUNARODNIM SAJMOVIMA

Ministar trgovine i turizma Republike Srpske (RS) Predrag Gluhaković i federalna ministrica okoliša i turizma Edita Đapo dogovorili su danas zajednički nastup turističkih organizacija oba entiteta na važnim svjetskim turističkim manifestacijama, u Turskoj, te Londonu, Moskvi, a u planu je i Dubai. "Radit ćemo na zajedničkoj promociji BiH i dogovoren je zajednički nastup na nekoliko strateških sajmova, zavisno od finansijskih sredstava", rekla je Đapo nakon razgovora u Banjoj Luci. U planu je i da se zajednički organiziraju konferencije o biznisu u turizmu. "BiH je zemlja u kojoj se turizam može razvijati i može biti jedna od privrednih grana, ali su potrebne investicije i turistički proizvodi kako bi se turisti što duže zadržali na ovom prostoru", naglasila je Đapo, podsjetivši na prirodne ljepote naše zemlje u kojima se turistima nudi dobar odmor, ali i inspiracija za umjetnike i kulturne djelatnike. Razgovarano je i o harmonizaciji zakonskih propisa iz oblasti turizma u entitetima kako bi se omogućilo turističkim organizacijama i privatnim firmama da poboljšaju turističku ponudu BiH. Također, u oba entiteta, kako je rekao ministar Gluhaković, u pripremi su izmjene zakona o turizmu, kao i izrada strategija razvoja turizma. Gluhaković je dodao da je u planu zajednički nastup i Sankt Peterburgu, a u te aktivnosti bit će uključene i nadležne institucije Brčko Distrikta. Bilo je riječi o projektima razvoja ruralnog turizma.

